

- 1. Ministarstvo za boračka pitanja Kantona Sarajevo**, koga zastupa ministar mr. Muharem Fišo, (u daljem tekstu: Ugovorni organ) i
- 2. Penny plus d.o.o. Sarajevo**, koga zastupa Almedin Kadrić, direktor, (u daljem tekstu: Dobavljač), u Sarajevu dana, 29.09.2017. godine, zaključili su

U G O V O R
o nabavci, transportu i isporuci građevinskog materijala
za pripadnike boračke populacije Kantona Sarajevo za 2017 godinu
CPV: 44100000-1 (Građevinski materijali i pridruženi artikli)

Član 1.

Predmet ovog Ugovora je nabavka, utovar, prijevoz i isporuka građevinskog materijala za potrebe korisnika donacije putem Ministarstva za boračka pitanja Kantona Sarajevo, od strane najpovoljnijeg ponuđača u konkretnom slučaju Dobavljača, a po obavještenju o javnoj nabavci objavljenom na Portalu javnih nabavki po brojem: 920-1-1-12-3-28/17 od 14.04.2017. godine, sažetak obavještenja o nabavci na engleskom jeziku i u „Službenom glasniku BiH”, broj: 29/17.

Član 2.

Dobavljač se obavezuje da će po nalogu Ugovornog organa dostaviti i isporučiti građevinski materijal iz specifikacije koja je sastavni dio ovog Ugovora na lokacije koju mu odredi Ugovorni organ tj. izvršiti prijevoz materijala do korisnika donacije, pod uslovom da do lokacije postoji adekvatan prilaz koji omogućava pristup vozilu.

Dobavljač se obavezuje da neće dozvoliti korisnicima donacije izmjene pojedinačnih specifikacija doniranog građevinskog materijala niti eventualnu zamjenu materijala protuvrijednosti u novcu ili nekoj drugoj robi.

Sastavni dio ovog Ugovora je utvrđeni zbirni pregled ukupnih vrsta i količina potrebnog građevinskog materijala za potrebe realizacije Projekta dodjele jednokratne bespovratne pomoći u građevinskom materijalu za 2017.godinu.

Dobavljač se obavezuje da će po okončanju isporuke kompletnih naručenih količina građevinskog materijala Ugovornom organu dostaviti zbirnu specifikaciju isporučenog materijala prema vrsti i količini.

Član 3.

Ukupna vrijednost ugovora je 646.765,55 (šeststotinačetdesetšesthiljadasedamstotinašezdesetpet 55/100 KM) sa uračunatom vrijednosti PDV-a.

Cijena građevinskog materijala utvrđena je u priloženoj specifikaciji koja je sastavni dio ovog Ugovora.

Porijeklo građevinskog materijala mora odgovarati prihvaćenoj ponudi – odnosno odgovarati dostavljenim potvrdama Vanjskotrgovinske komore BiH.

U cijenu građevinskog materijala je uračunat PDV, troškovi utovara i prijevoza do lokacije koju utvrdi Ugovorni organ, tj. do korisnika donacije na području Kantona Sarajevo.

Ugovorni organ zadržava pravo da umanjí izraženu ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžetu Kantona Sarajevo za 2017.godinu ili iz drugih opravdanih razloga, a što cijeni Ugovorni organ.

Član 4.

Ugovorni organ se obavezuje da će odobravanje plaćanja obaveza po ovom ugovoru izvršiti u roku od 30 dana od dana ispostavljenе fakture po izvršenoj isporuci građevinskog materijala od strane Dobavljača, a plaćanje zavisi od dinamike priliva budžetskih sredstava. Dobavljač je dužan uz fakturu isporučenog građevinskog materijala dostaviti Ugovornom organu pojedinačne

specifikacije i otpremnice o isporučenom građevinskom materijalu, potpisane od strane korisnika donacije.

Član 5.

Rok početka isporuke građevinskog materijala je najkasnije 5 (pet) dana od dana potpisivanja Ugovora, odnosno dostavljanja spiska krajnjih korisnika sa specifikacijama potrebnog materijala od strane Ugovornog organa.

Rok isporuke ukupne količine ugovorenog građevinskog materijala, a u skladu sa ponudom Dobavljača od momenta dostave pojedinačne specifikacije – naloga za isporuku građevinskog materijala korisniku donacije je u roku od 30 dana, a najkasnije do 31.12.2017. godine.

Nepridržavanje navedenog roka povlači raskid ovog Ugovora jednostrano od strane Ugovornog organa. U slučaju da se ne isporuči građevinski materijal u utvrđenom roku, Ugovorni organ će zaračunati penale od 1 promila od vrijednosti ugovora za svaki dan kašnjenja, a maksimalno do iznosa definisanog zakonom.

Član 6.

Dobavljač se obavezuje da sa danom potpisivanja ovog Ugovora obezbjedi garanciju za uredno izvršenje ugovora u visini od 10 % od vrijednosti ugovora kako je navedeno u tenderskoj dokumentaciji, sa rokom važnosti 31.12.2017. godine + 30 dana.

Ugovorni organ će realizovati garanciju za uredno izvršenje ugovora ukoliko Dobavljač :

- ne ispoštuje neke od uslova navedenih u tenderskoj dokumentaciji
- ne ispoštuje neke od uslova navedenih u ponudi, a prilikom realizacije ponude to konstatuje predstavnik Ugovornog organa koji prati realizaciju Ugovora.

Član 7.

Dobavljač odgovara za kvalitet i količinu isporučenog građevinskog materijala, kao i za navedeno porijeklo materijala.

Ugovorni organ zadržava pravo kontrole isporuke građevinskog materijala od početka do okončanja posla, uključujući kontrolu količine, kvaliteta i porijekla robe.

Ukoliko postoje opravdani razlozi za reklamaciju, što zajednički cijene i utvrđuju Ugovorni organ i Dobavljač, a prema zahtjevu korisnika donacije, Dobavljač se obavezuje da prihvati reklamaciju na isporučeni građevinski materijal.

U slučaju da se isporuči građevinski materijal lošijeg kvaliteta u odnosu na ugovoreni, Ugovorni organ će obračunati penale od 5% vrijednosti isporuke građevinskog materijala i Dobavljač će biti dužan da isti zamjeni u garantnom roku koji je dao u ponudi.

Član 8.

Ukoliko Dobavljač ne prihvati opravdanu reklamaciju Ugovorni organ raskida ugovor i obustavlja plaćanje po fakturi za izdati građevinski materijal i vrši realizaciju bankovne garancije.

Član 9.

Ugovor se smatra raskinutim po pismenom obavještenju isporučiocu od strane Ugovornog organa, a iz razloga utvrđenih ovim Ugovorom.

Ugovor se može raskinuti i sporazumno.

Član 10.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja Ugovornog organa. Elementi ugovora koji se podugovaraju i identitet podugovarača obavezno se saopćavaju Ugovornom organu blagovremeno prije sklapanja podugovora. Ugovorni organ obavjestit će Dobavljača o svojoj odluci u roku od 15 dana nakon prijema saopćenja, navodeći razloge u slučaju odbijanja. Dobavljač kojem je dodjeljen ugovor snosi punu odgovornost za realizaciju ugovora.

Član 11.

Ugovorni organ shodno članu 72. tačka 6. Zakona o javnim nabavkama postavlja uslov da Dobavljač kojem je dodjeljen ugovor o javnoj nabavci nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.

Član 12.

Ukoliko eventualne sporove ugovorne strane ne budu mogle riješiti sporazumno, za sve nastale sporove nadležan je sud u Sarajevu.

Član 13.

Ovaj ugovor je sačinjen u 4 (četiri) primjerka od kojih svaka strana zadržava po 2 (dva) primjerka.

ZA DOBAVLJAČA
DIREKTOR


Almedin Kadrić



ZA UGOVORNI ORGAN
MINISTAR


Muharem Fišo

Broj: PPS F.-10-27022/17-
Datum; 29.09.2017.god.

Broj: 06-14-20172/17
Datum; 29.09.2017.god.